

四庫全書

集部

欽定四庫全書

御定全唐詩卷七百九十五

李日知

滎陽人歷相  
中宗睿宗

所願暫知居者樂無使時稱王者勞

中宗幸安樂公主  
第從官賦詩日知

卒章獨存規  
誠識者多之

趙仁獎

河南人景龍中為御史  
睿宗朝左授上蔡丞

令乘驄馬去丞脫繡衣來

贈上蔡令潘好禮拜  
御史見朝野僉載

郭廷謂

魂逐東流水墳依獨坐山

哭陳子昂

韋青

官將軍

三代掌綸誥一身能唱歌

見樂府雜錄

尉遲匡

幽并人開元進士

明月飛出海黃河流上天

暮行潼關

芙蓉初出水桃李忽

無言

觀內人樓上踏歌

夜夜月為青塚鏡年年雪作黑山花

塞上曲

何涓

鴈影數行秋半逢  
漁歌一聲夜深發

杜偉

忽覩邢武辭  
冷其金石備

宣城總集云唐開元甲子武平一同河間邢巨同游涇川

琴谿題絕句古刻尚存後一紀杜偉自柱史謫  
據宣城陪連帥班景倩來觀題句云云餘逸

申堂構

丹徒人嘗為武進尉

霜添柏樹冷氣拂桂林寒

周愿

竟陵刺史

八十年前棠樹陰  
竟陵太守公先人

愿與竟陵陸羽嘗佐嶺南連帥李復

幕府後愿刺竟陵則復已捐館而羽亦前謝復父齋物  
先亦為竟陵守愿因為七言詩陳事見方輿勝覽

第五琦

字禹珪長安人肅宗朝為鹽鐵鑄  
錢使拜相坐事長流終太子賓客

陰天聞斷雁夜浦送歸人

送丘  
即中

顏允南

歷官司封郎  
中國子司業

誰言百人會兄弟也需陪

侍宴見  
顏真卿集

季廣琛

瓜州刺史歷肅代  
朝終散騎常侍

刻舟尋已化彈鋏未酬恩

河西騎將宋青春有劍是青  
龍精刃所及若叩銅鐵青春

死為廣琛所得或風雨後迸光出室環燭方丈哥舒  
翰求易以他寶廣琛不與因贈詩見酉陽雜俎

陳蛻

肅代  
間人

夢裏換春秋

咏華  
清宮

衛準

準一作單大  
歷五年進士

莫言閑話是閑話  
往往事從閑話來

何必剃頭為弟

子無家便是出家人

並見張為  
主客圖

杜鴻漸

字之英濮陽人累官朔方度支副使  
以迎立肅宗封衛國公代宗朝拜相

常願追禪理  
安能挹化源

鴻漸酷好浮屠道晚年樂退  
靜常悠然賦句朝士多屬和

之見

本傳

李摯

貞元十二年  
宏詞科登第

因緣三紀異契分四般同

摯與李行敏同姓同甲子同  
年登第俱二十五歲又同門

故云見  
紀事

韋綬

德宗朝翰  
林學士

在室愧屋漏

綬子溫疾韋誦綬此句曰  
今不負斯誠矣 見唐書

馮戡

東川  
人

桃花浪裏成龍去竹葉山頭退鷁飛

贈柳棠及第  
見紀事

韓泰

字安平昌黎人戶部郎中以附王  
叔文貶虔州司馬後終郴州刺史

庾嶺東邊吏隱州溪山竹樹亦清幽

見方輿勝覽

盧并

文宗朝  
資州守

地靈無俗草岩靜有僊禽

等慈寺比巖  
見方輿勝覽

繆島雲

島雲少從浮圖武  
宗朝准勅反初服

白鳥遠行樹玉虹孤飲潭

廬山瀑布

四五片霞生絕壁兩

三行雁過疎松

以上見  
紀事

拋芥子降顛狒狒折楊枝灑

醉猩猩

見撫  
言

劉敬之

雲安  
人

山近衡陽雖少雁水連巴蜀豈無魚

敬之甥雍陶蜀川上第後薄于親友

不寄書敬之讓

馬陶得詩愧報

李濤

長沙人溫飛卿任太學博士主秋試濤與衛丹張邵等詩賦皆勝于却

水聲長在耳山色不離門  
掃地樹留影拂牀琴有聲

落日長安道秋槐滿地花

以下並見紀事

高元裕

字景圭渤海人開成中翰林學士終吏部尚書

中丞為國拔賢才寒俊欣逢藻鑑開

贈知貢舉陳商見池陽志

韋澳

字子斐大中初以考功郎知制誥充翰林學士承旨終戶部侍郎

莫將韋監同殷監錯認容身是保身

懿宗朝澳為吏部侍郎不受請託為

執政所惡出為邠寧節度時宰復發其部事罷鎮以秘書監分司東都嘗戲吟此向京師權倖聞而尤怒之

見唐書

王龜

字大年官會稽太守

珠箔卷繁星金樽瀉月明

李郁

泉州人

身死為修劉稹表名高因讓陸洿書

弔歐陽柅柅詹從子開成中擢第司

勲即中陸洿棄官隱吳中後赴召復出柅移書讓之因不出柅名益聞竟赴澤潞劉稹幕辟稹表指斥時政朝

廷疑桓所草  
流崖州賜死

詹雄 字伯鎮福州人  
不第終

塵飛遺恨盡花落古宮平

洛陽古城

紅粉笙歌人代遠月

明陵樹水東流

銅雀臺

任濤 豫章筠州人咸通中  
十哲之一也不第終

露團沙鶴起人卧釣船流

見撫言

劇燕 蒲坂人為詩雅正亦十哲之一也後客王重榮被殺

祗向國門安四海不離鄉并拜三公

贈王重榮紀事重榮鎮河中燕投

此詩甚加禮敬竟以凌轢諸從事受正平之禍

王璘

璘詞學富贍崔詹事廉問表薦於朝先試之使  
璘請十書吏皆給筆札璘口授十吏筆不停  
綴日未亭午已七千餘言時路嵩方當鈞軸遣  
一介召之璘曰請俟見帝嵩大怒亟命奏廢萬

言科璘杖策而歸

芍藥花開菩薩面梭間葉散野人頭

璘與李羣玉相遇  
嶽麓寺羣玉待之

甚淺曰請與公聯句破題而授之璘畧  
不佇思繼之云云羣玉遂屈見紀事

李蔚

咸通中宰相  
後出為節鎮

虛心纖質雁銜餘鳳吹龍吟定不如

薛陽陶善吹蘆管  
蔚鎮淮海陽陶為

浙右小校監押度支運米至蔚召令出蘆管  
于賞心亭奏之蔚大嘉賞贈詩此其終篇也

王枳

常州刺史

今朝拜貢盈襟淚不進新芽是進心

常州舊貢陽羨茶  
僖宗幸蜀枳間闕

馳貢故有此句

見常州志

鄭竇

字貢華乾  
符進士

萬蘊千牌次碧牙縹牋金字間明霞

竇善楷書大復中  
挈家自華至陳未

常廢詞翰其題經藏  
有此句見宣和書譜

張瑩

連江人大順初登  
第官至禮部尚書

一箭不中鵠五湖歸釣魚

見地志

吳靄

字廷俊連州人光化三年進士為朱忠幕僚

煙隨紅焰斷化作白雲飛

七歲時詠野燒識者知其為青雲器

陳詠

眉州青神人善奕碁昭宗時登第

隔岸水牛浮鼻渡傍溪沙鳥點頭行

見紀事

蔣密

零陵儒士

綺羅因片葉桃李謾同時

詠桑見詩註總話

符蒙

字適之後唐同光三年進士官侍郎

都緣心似水故以鉢為舟

題壁畫杯渡道人

李景遂

字退身元宗母弟初封燕王改封晉王

路拍丹陽分虎節心存雙闕戀龍顏

赴潤州鎮賜餞見江表志

李弘茂

字子松元宗第二子早卒追贈慶王

甜於泉水茶須信狂似揚花蝶未知

詠雪

半窗月在猶

煎藥幾夜燈閒不照書

病中並見江表志

李平

關右人本姓名曰楊訥歸南唐官尚書郎衛尉卿

至人無夢夢不到天道惡盈盈有餘

閑書

龍髯已斷嬪

媿老豹尾不來岐路長

讀武帝內傳

胡元龜

廬陵人官臨川令

翻身騰白浪探爪擢明珠

永新令請題屏畫戲珠龍令好受饋遺元龜寫意識之令

悟追捕遂亡入金陵

蔣鈞

字不器營道人

因借夢書過竹寺學耕秋粟繞茆原

寄柳宣

芭蕉葉上無

愁雨自是多情聽斷腸

或呈詩有一夜不眠孤客耳主人門外有芭蕉代為之答

史虛白

字畏名山東人與韓熙載同投南唐署郎從事不受隱廬山

風雨揭却屋全家醉不知

詠漁父見  
江南野錄

夏竇松

廬陵人

孤猿叫落中巖月野客吟殘半夜燈  
雁飛南浦砧初

斷一作鐘  
初動

月滿西樓酒半醒  
曉來羸駟依前去目斷

遙山數點青

宿江城並見  
錦繡萬花谷

趙慶

水曹  
郎

邁古文章金鷲鷲出羣行止玉麒麟

贈邵拙  
見馬令書

潘天錫

南唐時  
為省郎

風便磬聲遠日斜樓影長

游古觀見郡閣雅談

朱纒

南唐時嘗為縣令

好是晚來香雨裏擔簦親送綺羅人

見詩史

齊一作唐鎬

蓮中花更好雲裏月常新

南唐宮嬪宵娘善舞後主作金蓮令宵娘纏足作新月狀

舞蓮中鎬詩因宵娘作也見道山清話

黃可

字不可南唐時人

天下傳將舞馬賦門前迎得跨驢賓

獻高侍郎

高元矩

宣城人

硯貯寒泉碧庭堆敗葉紅

贈宣城宰

燕掠琴弦穿靜院吏

收詩草下閑庭

贈徐學士見雅言系述

陳貺

南唐處士

年年聞爾者未有不傷情

蟬

出得風塵者合知岐路

人拂榻燈未來開門月先入  
忽生雲是匣高以月

為臺入夜雖無傷物意向明  
還有動人心

畫虎並見吟窗雜

錄

趙休

幸黃遜  
同時人

金莖來白露玉宇起清風

侍宴見  
吟窗雜錄

庸仁傑

泉州人初為僧陳德誠勸  
之反初服官終汾陽令

紅旆渡江霞蘸水青蛇出匣雪侵衣

贈池陽守  
陳德誠

雲散

便凝千里望日斜長占半城陰

昇元閣

只住此山寧有

意向來求佛本無心

贈嘉禾  
峯僧

邵拙

字拙之  
宣城人

萬國不得雨孤雲猶在山

見江南  
野錄

毛炳

南唐時  
豐城人

先生不在此千載只空山

題齋壁  
江南野錄  
見

陳德誠

建州人百勝  
軍節度使

建水舊傳劉夜坐螺川新有夏江城

劉洞有夜坐詩夏  
寶松有宿江城詩

皆見稱一時號劉  
夜坐夏江城云

陳甫

字惟岳  
吉州人

一雨洗殘暑萬家生早涼

漳江  
感懷

暮鳥歸巢急寒牛下

隴遲

村居

算吟千百首方得兩三聯  
清時不作登龍

客綠鬢閑梳傍草堂

贈黃岩 並  
雅言系述

徐融

南唐  
人

淮船分蟻塚江市聚蠅聲

夜宿金山  
見古今詩話

高若拙

荆南高從  
誨幕客

人間不見月天外自分明

中秋不見月  
見大定錄

皮光業

字文通日休之子吳  
越署為推官後拜相

燒平樵路出潮落海山高

見葆  
光錄

行人折柳輕和絮飛

燕銜泥帶落花

見西清  
詩話

屠瓌智

海鹽人越州指揮  
贈節使上柱國

輕身都是義殉主始為忠

咏志

元德昭

字名遠杭州  
人吳越相

滿堂羅綺兼朱紫四代兒孫奉老翁

德昭理家以孝愛  
聞每時序置酒環

列几席者凡四從故  
其詩云 見備史

林無隱

閩人寓明州吳越  
相鼎即其子也

雪消二月江湖濶花發千山道路香

見備史

楊義方

眉山人王建  
時舉進士

海邊紅日半離水天外暖風輕到花

春日

兩聲鞭自禁

門出一簇人從天上來

贈王樞密處回  
見異聞錄

王廷珪

孟蜀兵部尚書

十字水中分島嶼數重花外見樓臺

浣花溪江皆初亭  
榭孟景游之曰曲

江金殿鎖千門未及此廷珪  
賦句景稱善見蜀搆机

歐陽彬

字齊美衡山人孟景時為  
嘉州刺史後至夔州節度

無錢將乞樊知客名紙生毛不為通

彬初投謁馬殷知  
客樊姓者索賄不

得不與通後為九州歌干之又  
不問因入蜀見南部新書

桑柘殘陽裏兒孫落葉中

彬有子穉齒作田父詩云云  
廖凝見之知其不壽尋果卒

見郡

閣雅談

李堯夫

蜀梓潼山人

向外疑無地其中別有天

大內盆池

方外共推為道友關

中獨自占詩家

贈滕郎中

炎暑鬱蒸無處避涼風消息幾

時來

見古今詩話

石文德

連州人仕長沙歷水部員外郎融州刺史

月沈湘浦冷花謝漢宮秋

挽馬希範夫人  
見五代史補

戴偃

金陵人避地湘中值希範大興土木自稱玄黃子獻漁父詩百篇以諷希範怒遷之湖上

須把咽喉吞世界蓋因奢侈致危亡  
若須拋却便拋

却莫待風高更亦深

並漁父篇見五代史補

張迴

湖南詩人

夜長燈影滅天遠鶴聲孤

見吟窗雜錄

鍾元章

南漢員外郎

金箏離弦三尺電星鶻破的一聲雷

射窗雜錄吟

楊冕

字烏之閩人

背日流泉生凍早逆風歸鳥入巢遲

山中即事  
見雅言系述

王俊

考功  
郎中

勝日登樓望山川一半春

桂林道  
逆樓

薛沆

廬州  
刺史

也知別有風光主花蕾枝枝似去年

題藏舟浦花  
見南部新書

張顓

官左司  
郎中

金殿聖人看縱筆玉堂詞客盡裁詩

贈  
光

張林

擢進士第  
官至御史

菱葉乍翻人採後  
菱荷初沒舸行時

見紀事

盧休

春寒酒力遲  
冉冉生微紅

寒月

自然草木性  
誰祝元化

功 湓浦風生破膽愁  
血染劒花明  
帳幕三千車馬

出漁陽 入門堪笑復堪憐  
三逕苔荒一釣船

並見張為主客

圖

陳嶠

字景山閩人暮年登第還鄉不仕

小橋風月年年事  
爭奈潘郎去

何

見南部新書第二句缺一字

李範

關中人

清猿啼遠木白鳥下前灘

秋日江干遠望

鶴歸秋漢遠人去

草堂空

經王山人舊居

雖當南北路不礙往來人

道傍樹

釣

叟無機沙鳥睡禪師入定白牛閑

江寺閑書

天涯故友無

來信窗外拒霜空落花

暮秋懷故人並見雅言雜載

卞震

蜀人

雨壁長秋菌風枝落病蟬

即事

老筇撐瘦影寒木凭吟

身詩債到春無處避離愁因醉暫時無

春日偶題

茶香

解睡磨鐺煮山色牽懷著屐登即事

林楚才

賀州富川人

身閑不恨辭官早詩好常甘得句遲

贈致仕黃損見雅言系述

孟不疑

有詩名溺于游覽不復應舉

白日故鄉遠青山佳句中

見酉陽雜俎

龐季子

冥雲生易滿秋草長難高

郭思

落星一石幾千年門外何人扣漢川

白石鎮古城

盧載

五千里地望皆見七十二峰中最高

祝融峰

鄭翺

花燒落第眼雨破到家程

下第東歸見海錄碎事

鄭說

架上紫衣閑不著案頭金字坐長者

贈溫州大雲寺僧鴻楚見高僧傳

史瑜

溪從沮水流  
嶓冢嶺接青泥入劍天

青泥山

賀公

石晉兵部

但存方寸地留與子孫耕

米都知

伶人也善騷雅梁補闕嘗贈以詩

小旗村店酒微雨野塘花

見南部新書

陳秀才

地偏雲自起日暮山更深

崔李二生

恰似傳花人飲散空拋牀下最繁枝

崔

豔魄香魂如有在還應羞見墮樓人

李 二生並與武  
椽游步非煙死同

賦其事

范氏子

紀事云吳人攄子七歲能詩方干見其贈隱者句曰此子他日必成名又吟夏日句干云必不享壽果十歲卒攄即攄雲溪友議者

掃葉隨風便澆花趣日陰

贈隱者

閑雲生不雨病葉落

非秋

夏日

臨川小吏

李建勳鎮臨川賞牡丹有小吏捧硯舉止有士人風公曰學詩乎對曰麤親筆硯因

令口占一篇公奇之  
勉令就學因成詩名

三月不辭千日醉 一生能得幾回看

見詩話  
總龜

### 韓熙載客

最是五更留不住 向人枕畔著衣裳

熙載婢妾甚多 不為防閑 往往私出

侍客客賦詩云云

見南唐近事

### 段義宗

外夷

懸心秋夜月 萬里照鄉關

思鄉

玉排複道珊瑚殿 金錯

危欄翡翠樓

題三學院經樓

此花不與衆花同 為感高僧護

法功  
大慈寺芍藥  
並吟窗雜錄



御定全唐詩卷七百九十五

欽定四庫全書

集部

御定全唐詩卷七百九十六至九

詳校官庶吉士臣何道沖

主事銜臣徐以坤覆勘

總校官知縣臣繆琪

校對官中書臣金光悌

謄錄監生臣馮堪

欽定四庫全書

御定全唐詩卷七百九十六

無名氏

都來消帝力全不用兵防

以下齊己  
風騷旨格

道遠擎空鉢深

山踏落花

船中江上景晚泊早行時

山寺鐘樓月

江城鼓角風

雨過花爭出雲空月半生

鳥正啼隋

柳入須入楚山

高松飄雨雪一室掩香燈

遂有冥

心者還尋此境來

又因風雨夜重到古松門

道晦

金雞伏時來木馬鳴 誰來看山寺自去掃松門 此

生還自喜餘事不相侵 白鬢無心鑷青山得意多

一春能幾日無雨亦多風 苦雨秋濤漲狂風野燒翻

須知三尺劍只為不平磨 要路爭先進閑門肯暫

過 已難消永夜况復聽秋霖 大雪路亦宿深山

水也吞 贈僧 卷簾黃葉落鑠印子規啼 七國空流水

孤祠掩落花 山魅隔窗舞鵬鳥入簾飛 萬里八九

月一身西北風 磴危攀薜荔石滑踐莓苔 日落無

行客天寒有去鴻 正思浮世事又到古城邊 尋常

風雨夜應有鬼神看 寄宿山中寺相辭海上僧 風

吹榆莢葉雨打木瓜花 炙穀子詩格 句內疊韻 是星皆拱北無

水不朝東 以下梅堯臣續金針詩格 西風起邊雁一一向瀟湘

那堪懷遠路猶自上高樓 白雲風散盡紅葉水流來

以下徐寅雅道機要 妾如有異意君棄也甘心 野過雲根潤

山高樹影長 古迹應重別生緣不暫停 一個字未

穩數宵心不閑 別地葉頻落去程山已寒 但取詩

名得何論下第頻 早起赴前程鄰雞尚未鳴

以下文或詩格

白地一回雨兒孫拾得金 軒車在何處雨雪滿前

山 燈微山館雨角咽海城秋 去帆看已遠臨水立

多時

以下桂林詩評

家貧為客早路遠得書稀 瀑布五千

仞草堂瀑布邊 我憶雲門寺門前千萬峰 一瓶居

無外萬木老禪中 秋江洗一鉢寒日曬三衣 空山

行客少獨樹晚蟬多 一片月生海幾家人上樓

待月以

下王正字詩中首格

窗寒風漸緊燈落夜將深

秋日言懷

雲夢幾

行去瀟湘一夜空

雁送

無風來竹院有月在莎庭

蟋蟀

故園從小別夜雨近秋聞  
書劍別南州炎荒萬里游

山盤樵徑上人到雪房遲  
路經秋雨後人入亂峰

來獨樹知秋早孤舟覺夜寒  
馬飢食落葉鶴宿曬

殘陽路遠春行盡家貧愁到時

以下吟  
窗雜錄

臨水通宵

坐知君此興同江聲兼小雨暝色入啼猿

以下並見  
樹萱錄

藕隱玲瓏玉花藏縹緲容  
紅樹醉秋色碧溪彈夜

絃網斷蛛猶織梁空燕不歸  
倒身無著處呵手不

成溫

苦寒 見 事文類聚

幾多詩弟子無限酒知聞

悼方干 見海錄碎

事

牀上小薰籠韶州新退紅

樂府 見陸 務觀集注

看時人

步澁展處蝶爭來

題于競畫牡丹 競字德源長 安人梁宰相也 見見聞志

酒味

雜蓮氣香冷勝於水輪困如象鼻瀟灑絕青蠅

碧筒杯 見楊

慎藝林

伐山

太宗皇帝真長策賺得英雄盡白頭

國史補 曰進士

科得之艱難其有老死于文場者亦 無所恨故詩云畫墁錄以為趙嘏作

曾題名處添前

字送出城人乞舊衣

神龍已來杏園宴後皆於慈恩塔 下題名及第後知聞或過未及第

時題名處則為添前 字故詩云 見撫言

華陽觀裏鐘聲集建福門前鼓

動期

新進士放榜後翌日排光範門候過宰相雖云排建福門實集於西方館故詩云云見南部新書

隴右諸侯供語鳥日南太守送名花

李德裕營平泉遠方之人多以

異物奉之時有題詩云云見劇談錄

八百孤寒齊下淚一時回首望

崖州

德裕為相頗為寒進開路及謫官南去人詠此見撫言

讓劫已令多士伏

沽名還得世人聞

陳詠有詩名善奕棋昭宗幸陝之歲策名歸蜀韋莊以詩賀之鄉中有嫉

善者屬和韋詩云云比之滌器當盛也見紀事

人為子推初禁火花愁青

女再飛霜

寒食事文類聚見

棟花開後風光好梅子黃時雨

意濃

江南自初春至初夏有二十四番花信風最後為棟花風故唐人有此句見東華雜錄

蘭

湯備浴傳荆俗水馬浮江弔屈魂

唐人午日詩南方競渡治其舟使輕利名

飛鳧名水車又名水馬

見荆楚歲時記

城頭推鼓傳花枝席上搏拳握

松子

見東皐雜錄

鳥向不香花裏宿人從無影月中歸

雪

輕著凍痕銷水面密隨和氣入花根

春雪

萬木盡如

花落候四簷鳴

缺雨來時

晴雪此三聯

王安石嘗舉唐人詩

濃綠

萬枝紅一點動人春色不須多

王安石在翰苑見榴花正開一朵有詩陳正敏

謂此乃唐人詩非安石所作

見泊宅編晚菘細切肥牛肚新笋初嘗嫩

馬蹄

見錦繡萬花谷

蟬離楚樹鳴猶少葉到嵩山落更多

以下

見風騷  
旨格

風和日暖方開眼  
雨潤煙濃不舉頭  
窗前

閒咏鴛鴦句  
壁上時觀獬廌圖  
可能有事關心後  
得

似無人識面時  
一點孤燈人夢覺  
萬重寒葉雨聲多

以下見炙  
穀子詩格

此心只待相逢說  
時復登樓看遠山  
九

江有浪船難濟  
三峽無援客自愁  
四海魚龍精魄冷

五山鸞鳳骨毛寒  
誰家綠酒歡留客  
何處紅樓睡失

明 雨露施恩無厚薄  
蓬蒿隨分有枯榮

以下見梅堯  
臣續金針詩

格

去年花下留連飲  
暖日天桃鶯亂啼  
今日江邊容

易別淡煙衰草馬頻嘶 蛇蝎性靈生便毒蕙蘭根異  
死猶香 三間茅屋無人到十里松門獨自游 翻憶

舊山青碧裏遶菴閑伴野僧禪

雲

不甘五等諸侯薦

直肯九重天子知

劉素者字仲華好學不事科舉頗通  
遼固壽暉之書嘗有人貽詩云云然

卒不及仕

見江南野志

御定全唐詩卷七百九十六

欽定四庫全書

御定全唐詩卷七百九十七

武后宮人

離別難

武后朝有士人陷冤獄妻配掖庭善吹  
感葉乃撰離別難曲以寄情焉 初名

大郎神蓋取良人第行也既畏人知  
遂三易其名曰悲切子終號怨回鶻

此別難重陳花飛復戀人來時梅覆雪去日柳含春物  
候催行客歸途淑氣新剡川今已遠魂夢暗相親

開元宮人

袍中詩

開元中賜邊軍纈衣製自宮人有兵士於袍中得詩白於帥帥上之朝明皇以

詩徧示六宮一宮人自稱萬死明皇憫之以妻得詩者曰朕與爾結今生緣也

沙場征戍客寒苦若為眠戰袍經手作知落阿誰邊蓄

意多添線含情更著綿今生已過也

一作看結取願結

後生緣

天寶宮人

題洛苑梧葉上

天寶末洛苑宮娥題詩梧葉隨御溝流出顧況見之亦題詩葉

上汎於波中後十餘日於葉上又得詩一首後聞於朝遂得遣出

舊寵悲秋扇新恩寄早春聊題一片葉

一作紅葉上

將寄接

流人

一作一入深宮裏年年不見春聊題一片葉寄與有情人

又題

一葉題詩出禁城誰人酬和獨含情自嗟不及波中葉  
蕩漾乘春取次行

德宗宮人

德宗宮人奉恩院王才人養女鳳兒也詩一首

題花葉詩

貞元中進士賈全虛於御溝得一花葉上有詩句悲想其人棄回溝上為

街吏所復金吾奏其事德宗詢之知為鳳兒所作因召金虛授金吾衛兵曹遂以妻之

一入深宮裏無由得見春  
題詩花葉上寄與接流人

宣宗宮人

宣宗宮人姓韓氏詩一首

題紅葉

虛偃應舉時偶臨御溝得一紅葉上有絕句置於巾箱及出宮人偃得韓氏觀

紅葉吁嗟久之曰當時偶題不謂郎君得之

流水何太急深宮盡日閑  
殷勤謝紅葉好去到人間

僖宗宮人

金鎖詩

僖宗嘗自內出袍千領賜塞外吏士神策軍馬真於袍中得鎖及詩主將奏聞

帝令真赴闕以作詩宮人妻之

玉燭製袍夜金刀呵手裁鎖寄千里客

一作鎖情寄千里

鎖心

終不開

李舜絃

李舜絃梓州人珣之妹蜀王衍納為昭儀詩三首

隨駕遊青城

因隨八馬上仙山頓隔塵埃物象閑只恐西追王母宴

却憂難得到人間

蜀宮應制

濃樹禁花開後庭  
飲筵中散酒微醒  
濛濛雨草瑤階溼  
鐘曉愁吟獨倚屏

釣魚不得

盡日池邊釣錦鱗  
芰荷香裏暗消魂  
依稀縱有尋香餌  
知是金鉤不甯吞

李玉簫

李玉簫蜀王衍宮人詩一首

宮詞

一作王建詩又作花蕊夫人詩

鴛鴦瓦上瞥然聲  
晝寢宮娥夢裏驚  
元是我王金彈子  
海棠花下打流鶯

金真德

金真德新羅王金真平女也平卒無子嗣立為王詩一

首

太平詩

永徽元年真德大破百濟之衆織錦作五言太平詩遺其弟之子法敏以獻

大唐開鴻業巍巍皇猷昌止戈戎衣一作成大定修文繼百

王統天崇雨施理物體含章深仁諧日月撫運邁時康

幡旗旣赫赫鉦鼓何鏗鏗外夷違命者翦覆被大殃和

一作渾風凝宇宙一作幽顯遐邇競呈祥四時調玉燭七曜巡

萬方維嶽降宰輔維帝用一作任忠良三五咸一德昭我

皇家唐一作唐家光

### 寶歷宮人

句寶歷間如鸞鳳音敬宗琢玉芙蓉為舞臺舞

淵東貢舞女二人一名飛燕一名輕

罷即置二女於金屋寶  
帳由是宮中語云云

寶帳香重重一雙紅芙蓉



御定全唐詩卷七百九十七

欽定四庫全書

御定全唐詩卷七百九十八

花蕊夫人徐一作費氏

徐氏青城人幼能文尤長於宮詞得幸蜀主孟昶賜號  
花蕊夫人詩一卷

宮詞

五雲樓閣鳳城間花木長新日月閒三十六宮連內苑

太平天子住一作坐崑山

會真廣殿約宮牆樓閣相扶倚太陽淨甃玉階橫水岸  
御爐香氣撲龍牀

龍池九曲遠相通楊柳絲牽兩岸風長似江南好風作

春景畫船來去一作碧波中

東內斜將紫禁通龍池鳳苑夾城中曉鐘聲斷嚴妝罷  
院院紗窗海日紅

殿名新立號重光島上亭臺盡改張但是人行幸處

黃金閣子一作鎖牙牀

夾城門與內門通朝罷巡遊到苑中每日日高一作中官祇  
候處滿堤紅豔立春風

廚船

一作盤

進食簇時新侍宴

一作座

無非列

一作是

近臣日

午殿頭宣索鱠隔花催喚打魚人

立春日進內園花紅蕊輕輕嫩淺霞跪到玉階猶帶露  
一時宣賜與宮娃

三面宮城盡夾牆苑中池水白茫茫直一作亦從獅子門

前入旋見亭臺遶岸傍

離宮別院遠宮城金版輕敲合鳳笙夜夜月明花樹底  
傍池長有按歌聲

御製新翻曲子成六宮纔唱未知名盡將感策來抄譜  
先按君王玉笛聲

旋移紅一作花樹斲新一作斲青苔宣使龍池更一作再鑿開展

得綠一作綠波寬似海水心樓殿勝蓬萊

太虛高閣凌虛一作臨波殿背倚城牆面枕池諸院各分娘

子位羊車到處不教知

修儀承寵住龍池  
掃地焚香日午時  
等候大家來院裡  
看教鸚鵡念新詩

才人出入每參

相一作

隨筆硯將行

行一作

遶曲池能向彩

箋書大字忽

勿一作

防禦製寫新詩

六宮官職總新除  
宮女安排入畫圖  
二十四司分六局  
御前頻見錯相呼

春風一面曉妝成  
偷折花枝傍水行  
却被內監

一作媼 遙

覩見故將紅豆打黃鶯

殿前排宴賞花開宮女侵晨探幾回斜望花開

一作  
苑門遙

舉袖傳聲宣

一作  
先

喚近臣來

小球場近曲池頭宣喚勳臣試打球先向畫樓

一作  
廊排

御幄管絃聲動立浮旂

供奉頭籌不敢爭上棚等

一作專  
又作傳

喚近臣名內人酌酒

纔宣賜馬上齊呼萬歲聲

殿前宮女總纖腰初學乘騎怯又嬌上得馬來纔欲走

幾回拋鞞抱

一作  
把

鞍橋

自教宮娥學打球玉鞍初跨柳腰柔上棚知是官家認  
遍遍長羸第一籌

翔鸞閣外夕陽天樹

一作木

影花光遠

一作水

接連望見內

家來往處水門斜過罨

一作畫

樓船

內家

一作人

追逐採蓮時驚起沙鷗兩岸飛蘭棹把來齊

拍水並船相闔溼羅衣

新秋女伴各相逢罨畫船飛別浦

一作渚

中旋折荷花伴

一作半

歌舞夕陽斜照滿衣紅

少年相逐採蓮回羅帽

一作襪

羅衫一作衣

巧製裁每到岸

頭長拍水競提纖手出船來

早春楊柳引長條倚岸沿堤一面高稱與畫船牽錦纜

暖風撲出綵絲絛

內家宣錫生辰宴隔夜諸宮進御花後殿未聞宮主入

東門先報下金車

端午生衣進御牀赭黃羅帕覆金箱美人捧入南薰殿

玉腕斜封綵縷長

選進仙韶第一人，纔勝羅綺不勝春。  
重教按舞桃花下，只踏殘紅作地裀。

侍女爭揮玉彈弓，金丸飛入亂花中。  
一時驚起流鶯散，踏落殘花滿地紅。

七寶闌干白玉除，新開涼殿幸金輿。  
一溝泛碧流春水，四面瓊鉤搭綺疏。

山樓彩鳳棲寒月，宴殿金麟吐御香。  
蜀錦地衣呈隊舞，教頭先出拜君王。

天外明河翻玉浪樓西涼月湧金盆香銷甲乙牀前帳  
宮鎖玲瓏閉殿門

細風欹葉撼宮梧早怯秋寒著繡襦玉宇無人雙燕去  
一彎新月上金樞

夜寒金屋篆煙飛燈燭分明在紫微漏永禁宮三十六  
燕回爭踏月輪歸

曉吹翩翩動翠旗爐煙千疊瑞雲飛何人奏對偏移刻  
御史天香隔繡衣

金井秋啼絡緯聲  
出花宮漏報嚴更  
不知誰是金鑿直  
玉宇沈沈夜氣清

內庭秋燕玉池東  
香散荷花水殿風  
阿監採菱牽錦纜  
月明猶在畫船中

東宮花燭彩樓新  
天上仙橋不鎖春  
偏出六宮歌舞奏  
嫦娥初到月虛輪

紗幔薄垂金麥穗  
簾鉤纖挂玉蔥條  
樓西別起長春殿  
香碧紅泥透蜀椒

翠華香重玉爐添  
雙鳳樓頭曉日暹  
扇掩紅鸞金殿悄  
一聲清蹕捲珠簾

金作蟠龍繡作麟  
壺中樓閣禁中春  
君王避暑來遊幸  
風月橫秋氣象新

清曉自傾花上露  
冷侵宮殿玉蟾蜍  
擘開五色銷金紙  
碧鎖窗前學草書

翠鈿貼靨輕如笈  
玉鳳雕釵裏欲飛  
拂曉賀春皇帝閣  
綵衣金勝近龍衣

璫聲金徹閣門環  
簾捲珍珠十二間  
別殿春風呼萬歲  
中丞新押散朝班

雞人報曉傳三唱  
玉井金牀轉轆轤  
煙引御爐香繞殿  
漏籤初刻上銅壺

御按橫金殿幄紅  
扇開雲表露天容  
太常奏備三千曲  
樂府新調十二鐘

宮女熏香進御衣  
殿門開鎖請金匙  
朝陽初上黃金屋  
禁夜春深晝漏遲

三月金明柳絮飛  
岸花堤草弄春時  
樓船百戲催宣賜  
御輦今年不上池

內人稀見水鞦韆  
爭擘珠簾帳殿前  
第一錦標誰奪得  
右軍輸却小龍船

夜色樓臺月數層  
金猊煙穗繞觚稜  
重廊屈折連三殿  
密上真珠百寶燈

天門晏閉九重闕  
樓倚銀河氣象間  
一點星球垂絳闕  
五雲仙仗下蓬山

禁裏春濃蝶自飛  
御蠶眠處弄新絲  
碧窗盡日教鸚鵡  
念得君王數首詩

闌草深宮玉檻前  
春蒲如箭荇如錢  
不知紅藥闌干曲  
日暮何人落翠鈿

太液波清水殿涼  
畫船驚起宿鴛鴦  
翠眉不及池邊柳  
取次飛花入建章

御座垂簾繡額單  
冰山重疊貯金盤  
玉清迢遞無塵到  
殿角東西五月寒

春心滴破花邊漏曉夢敲回禁裏鐘十二楚山何處是

御樓曾

恍一作

見兩三峰

博山夜宿沈香火帳外時聞暖鳳笙理遍從頭新上曲  
殿前龍直未交更

春殿千官宴却歸上林鶯舌報花時宣徽旋進新裁曲  
學士爭唵應詔詩

釣線沈波漾彩舟魚爭芳餌上龍鉤內人急捧金盤接  
撥刺紅鱗躍未休

蕙炷香銷燭影殘  
御衣熏盡輒更闌  
歸來困頓眠紅帳  
一枕西風夢裏寒

東宮降誕挺佳辰  
少海星邊擁瑞雲  
中尉傳聞三日宴  
翰林當撰洗兒文

酒庫新修近水傍  
潑一作撥醅初熟五雲漿  
殿前供御頻

宣索追一作進入花間一陣香

白藤花限一作龍榻白銀花閣子  
門當寢殿斜近被  
宮中知

了事每來隨駕使煎一作煎茶

西球場裏打球回御宴先於苑內開宣索教坊諸

一作從

伎樂傍池催喚入船來

昭儀侍宴足精神玉燭抽看記飲巡倚賴識書為錄事

燈前時復錯瞞人

後宮阿監裏羅巾出入經過苑囿頻承奉聖賢憂悞失

就中長怕內夫人

管弦聲急滿龍池宮女藏鉤一作閨夜宴時好是聖人親

捉得便將濃墨掃一作授雙眉

密室紅泥地火爐內人冬日晚傳呼今宵駕幸池頭宿  
排比椒房得煖無

畫船花舫總新妝進入池心近島傍松柏樓一作錄窗楠

木板暖風吹過一團一作四團香

三清臺近苑牆東樓檻層層映水紅盡日綺羅人度曲  
管弦聲在半天中

安排諸院接行廊外一作水檻周迴十里強一作長青錦地

衣紅繡一作線毳盡鋪龍腦鬱金香

安排竹柵與芭籬養得新生鶉鴿兒宣受內家專餵飼

花毛間

一作閑

看總皆知

年初十五最風流新賜雲鬟便

一作使

上頭按罷霓裳歸

院裏畫樓雲閣總重

一作新修

金畫香臺出露盤黃龍雕刻遶朱闌焚修每遇三元節

天子親簪白玉冠

六宮一例雞

一作羅

冠子新樣交鑄白玉花欲試澹妝兼

道服面前宣與唾盃家

三月櫻桃乍熟時  
內人相引看紅枝  
回頭索取黃金彈  
遶樹藏身打雀兒

小小宮娥到內園  
未梳雲鬢臉如蓮  
自從配與夫人後  
不使尋花亂入船

錦城上起凝煙閣  
擁殿遮樓一向高  
認得聖顏遙望見  
碧闌干映赭黃袍

水車踏水上宮城  
寢殿簷頭滴滴鳴  
助得聖人高枕興  
夜涼長作遠灘聲

平頭船子小龍床多少神仙立御傍  
旋刺篙竿令過岸  
滿池春水蘸紅妝

苑東天子愛巡遊御岸花堤枕碧流  
新教內人供射鴨  
長將弓箭繞池頭

羅衫玉帶最風流斜插銀篋慢裹頭  
閑向一作聞得殿前騎

一作調御馬揮一作掉鞭橫過小紅樓

沈香亭子傍池斜夏日巡游歇翠華  
簾畔玉盆盛淨水  
內人手裏剖銀瓜

薄羅衫子透肌膚  
夏日初長板閣虛  
獨自凭闌無一事  
水風涼處讀文書

婕妤生長帝王家  
常近龍顏逐翠華  
楊柳岸長春日暮  
傍池行困倚桃花

月頭支

一作又

給買花錢滿殿宮人近數

一作盡十

千遇著唱

名多不語

一作應

含羞走

一作急

過御牀前

小雨霏微潤綠苔  
石楠紅杏傍池開  
一枝插向金瓶裏  
捧進君王玉殿來

錦鱗躍水出浮萍  
荇草牽風翠帶橫  
恰似金梭攬碧沼  
好題幽恨寫閨情

春天睡起曉妝成  
隨侍君王觸處行  
畫得自家梳洗樣  
相憑女伴把來呈

舞頭皆著畫羅衣  
唱得新翻御製詞  
每日內庭聞教隊  
樂聲飛上到龍墀

春早尋花入內園  
競傳宣旨欲黃昏  
明朝駕幸遊蠶市  
暗使羶車就苑門

半夜搖船載內家水門紅蠟一行斜聖人正在宮中飲  
宣使池頭旋折花

春日龍池小宴開岸邊亭子號流杯沈檀刻作神仙女

對捧金尊

一作杯

水上來

梨園子弟簇池頭小樂攜來候宴游旋

一作試

灸銀笙先

按拍海棠花下合梁州

以下四十一首一作王珪詩

慢梳鬟髻著輕紅春早爭求芍藥叢近日承恩移住處

夾城裏面占新宮

別色官司御輦家黃衫束帶臉如花深宮內院一作苑參

承慣常從金輿到日斜

日高房裏學圍碁等候官家未出時為賭金錢爭路數

專憂女伴怪來遲

擣菹冷澹學投壺箭倚腰身約畫圖盡對君王稱妙手

一人來射一人輸

慢揎一作揮紅羅一作羅袖指纖纖學釣池魚傍水邊一作弦忍

冷不禁還自去釣竿常被別人牽

宣城

一作徽

院約池南岸粉壁紅窗畫不成總是一人行

幸處徹宵聞

長一作

奏管弦聲

丹霞亭浸池心冷曲沼門含水脚清傍岸鴛鴦皆著對  
時時出向淺沙行

楊柳陰中引御溝碧梧桐樹擁朱樓金陵城共滕王閣  
畫向丹青也合羞

晚

一作曉

來隨駕上城游行到東西百子

尺一作

樓回望苑

中花柳色綠陰紅豔滿池頭

牡丹移向苑中栽，盡是藩方進入來。  
未到末春綠地暖，數般顏色一時開。

明朝臘日官家出，隨駕先須點內人。  
回鶻衣裝回鶻馬，就中偏稱小腰身。

盤鳳鞍韉閃

一作鞍韉  
盤龍鬪

色妝黃金壓，騰紫游一作油韉自

從揀得真龍種

一作骨

別置東頭小馬坊

翠輦每從城畔出

一作去

內人相次簇

一作立

池隈一作邊嫩

荷花裏，搖船去

一作出

一陣香風逐水來

一作仙

高燒紅燭點銀燈  
秋晚花池景色澄  
今夜聖人新殿宿  
後宮相競覓祇承

苑中排比宴  
秋宵弦管掙  
擬各自調日晚閣門傳  
聖旨  
明朝盡放紫宸朝

夜深飲散月初斜  
無限宮嬪亂插花  
近侍婕妤先過水  
遙聞隔岸喚船家

宮娥小小豔紅妝  
唱得歌聲遶畫梁  
綠是太妃新進入  
座前頒賜小羅箱

池心小樣釣魚船入玩偏宜向晚天挂得綠帆教便放

急風吹過水門前

一作  
邊

傍池居住有漁家收網搖船到淺沙預進活魚供日料  
滿筐跳躍白銀花

秋晚

一作  
曉

紅妝傍水行競將衣袖撲蜻蜓回頭瞥見宮

中喚幾度藏身入畫屏

御溝春水碧于天宮女尋花入內園汗溼紅妝行漸困  
岸頭相喚洗花鈿

亭高百尺立春

一作當

風引得君王到此中  
牀上翠屏開

六扇折枝花

一作花初

楹綻牡丹紅

內人承寵賜新房  
紅紙

一作錦

泥窗遶畫

一作四

廊種得海

柑纔結子乞求自送

一作進

與君王

翡翠簾

一作簾

前日影斜御溝春

一作流

水浸成霞侍臣向

晚隨天步共看池頭滿樹花

金碧闌干倚岸邊  
捲簾初聽一聲蟬  
殿頭日午搖紈扇

宮女爭來玉座前

嫩荷香撲釣魚亭水面文魚作隊行宮女齊一作競來池

畔一作面看傍簾呼喚勿高聲

新翻酒令著詞章侍宴初聞憶一作開意却忙宣使近臣傳

賜本書家院裏徧抄將

寒食清明小殿傍綵樓雙夾鬪雞場內人對御分明看

先睹紅羅被一作滿擔牀

寢殿門前曉色開紅泥藥樹間花栽君王未起翠簾捲

又發宮人一作宮女更番上直來

海棠花發盛春天游賞無時引御筵  
遶岸結成紅錦帳  
暖枝猶拂畫樓船

日晚

一作曉日

宮人外按回自牽驄馬出林隈  
御前接得高

叉手射

一作時

得山雞喜進來

朱雀門高花外開  
毬場空濶淨塵埃  
預排玉兔兼蒼狗  
等候君王按鵲來

會仙觀內玉清壇  
新點宮人作女冠  
每度駕來羞不出  
羽衣初著怕人看

老大初教學

一作

道人鹿皮冠子澹黃裙後宮歌舞今

拋擲每日焚香事老君

法雲寺裏中元節又是官家誕降

一作降誕

辰滿殿香花爭

供養內園先占得鋪陳

金章紫綬選高班每每東頭近聖顏才藝足當恩寵別

只堪一作看供奉一場閑

內人深夜學迷藏徧遶花叢水岸傍乘興忽一作或來仙

洞裏大家尋覓一時忙

小院珠簾著地垂  
院中排比不相知  
羨他鸚鵡能言語

窗裏偷教鸚鵡兒

島

一作窗

樹高低約浪痕

一作島

中斜日欲黃昏  
樹頭木

刻雙飛鶴蕩起

一作遠樣

晴空映水門

大臣承寵賜新莊  
梔子園東柳岸傍  
今一作每日聖恩親

一作新幸到板橋頭  
是讀書堂

樹葉初成鳥護

一作出

窠石榴花裏

一作底

笑聲多衆

一作舞

中遺却金釵子  
拾得從他要贖

一作賞

麼

以下二十一首一作王建詩

小殿初成

一作新裝

粉末

一作欲

乾貴妃姊妹自來看為逢好

日先移入續向街

一作階

西索牡丹

內人相續報花開准擬君王便看來逢

一作縫

著五弦琴

一作紅

繡袋宜春院裏按歌回

巡吹慢遍不相和暗數看誰

一作誰人看

曲校多明日梨花

園

一作園花

裏見先須逐

一作直

得內家歌

黃金合裏盛紅雪重結香羅四出花一一傍邊書勅字

中官

一作分明

送與大臣家

宮人早起

拍一作手

笑相呼不識階

庭一作

前掃地夫乞與金

錢爭借問外頭還似此間無

小隨阿姊

隨一作阿姊

學吹笙見好

好一作見

君王賜

乞一作

與一作

賜乞

名夜拂玉牀朝把鏡黃金殿外

階一作下

不教行

日高殿裏有香煙萬歲聲長動九天妃子院中初

新一作

降誕內人爭乞

分一作得

洗兒錢

宮花不共

與一作

外花

邊一作

同正月長生

先一作

一半

朵一作

紅供御櫻桃看守別直無鴉鵲到園中

殿前鋪設兩邊樓寒食宮人步打球一半走來爭一作齊

跪拜上棚先謝得頭籌

大儀前日暖房來囑向朝一作昭陽乞藥裁勅賜一窠紅

躑躅謝恩未了奏花開

御一作牀前新一作謝賜紫羅襦步步一作不下金堦上軟輿宮

局總來為喜樂院中新拜內尚書

鸚鵡誰教轉舌關內人手裏養來姦語多更覺一作近更承

恩澤數對君王憶隴山

分明

一作明

閑坐賭櫻桃  
收却投壺玉腕勞  
各把沈香雙

陸子局中鬪累阿誰高

禁寺紅樓內  
裏通笙歌引駕夾城通

一作看山  
駕夾城中

引裏頭

宮監堂

一作蕃  
女簾

前立手把牙鞘竹彈弓

舞來汗溼羅衣徹  
樓上人扶下玉梯  
歸到院中重洗面

金花盆

一作盆  
水

裏潑銀

一作紅  
泥

宿妝殘粉未明天  
總立

一作在

昭陽花樹邊  
寒食內人長

白打庫中先散與金錢

衆中偏愛

一作

得君王笑

一作喚

偷把金箱筆硯開書破紅

蠻隔子上旋推

一作催

當直美

一作內

人來

水中芹葉土中花拾得還將避衆家

一作艾心芹葉初生小祇闕時新不

花闕總待別人

一作天家

般數盡袖中拈出

一作捻得

鬱金芽

玉簫改調箏移柱

一作織指

催換

一作赴

紅羅繡舞筵未戴

一作著

柘枝花帽子兩行宮監在簾前

窗窗戶戶院相當總有珠簾玳瑁牀雖道君王不來宿

帳中長是炷牙

一作街

香

一作帳中長下著香囊

述國亡詩

君王城上豎降旗妾在深宮那得知十四萬人齊解甲

寧

一作更

無一箇是男兒

一作蜀臣王承旨詩前二句云蜀朝昏主出降時衝壁牽羊倒

繫旗

御定全唐詩卷七百九十八

欽定四庫全書

御定全唐詩卷七百九十九

楊容華

楊容華華陰人炯之姪女詩一首

新妝詩

啼一作宿鳥驚眠罷房櫳乘曉一作曙開鳳釵金作縷鸞

鏡玉為臺妝似臨池出人疑向月一作月下來自憐終不見

一作方欲去復裴回未已

魏氏

魏氏求已之妹詩一首

贈外

浮萍依綠水弱鷦寄

一作附

青松與君結大義移天得所

從翰林無雙鳥劒水不分龍諧和類琴瑟堅固同膠漆  
義重恩欲深夷險貴如一本自身不令積多嬰痛疾朝  
夕倦牀枕形體耻巾櫛遊子倦風塵從官初解巾束裝  
赴南郢脂駕出西秦比翼終難遂銜雌苦未因徒悲楓

岸遠空對柳園春男兒不重舊丈夫多好新  
新人喜新聘朝朝臨粉一作寶鏡兩鴛固無比  
雙蛾誰與競詎憐愁思人銜啼嗟薄命  
薜華不足恃松枝有餘勁所願好一作存  
九思勿令虧百行

喬氏

喬氏馮翊人左司郎中知之之妹詩一首

詠破簾

已漏風聲罷

一作擺

繩持也不禁一從經落後一作節無復

有貞心

七歲女子

女子南海人詩一首

送兄

武后召見令賦送兄詩應聲而就

別路雲初起離亭葉正飛

一作稀

所嗟人異鴈不作一行

歸飛一作飛

林氏

林氏濟南人隰城丞薛元曖妻也元曖早卒林博涉五

經有母儀令德訓其子彥輔彥國彥偉彥雲及姪據摠  
播竝登進士第衣冠榮之詩一首

送男左貶詩

一作送男  
彥輔左貶

他日初投杼勤王在飲冰有辭期不罰積毀竟

一作  
意許相

仍謫宦今何在銜冤猶未勝天涯分越徼驛騎

一作  
驟速

毘陵腸斷腹非苦書傳寫豈能淚添江水遠心劇海雲  
蒸明月珠難識甘泉賦可稱但將忠報主何懼點青蠅

趙氏

趙氏冠坦母也詩三首

古興

鬱蒸夏將半暑氣扇飛閣驟雨滿空來當軒卷羅

一作簾

幕度雲開夕霽宇宙何清廓明月流素光輕風換炎鏢

孤鸞傷

一作相

對影寶瑟悲別鶴君子去不還

一作心

欲何托

金菊延清霜玉壺多美酒良人猶不歸芳菲豈常有不  
惜芳菲歇但傷別離久含情罷斟酌凝怨對窗牖

霽雪舒長野寒雲半幽

一作伴秋

谷巖風振枯條猿啼

一作啼

抱冰木所嗟遊宦子少小荷天祿前程未云至悽愴對

車僕歲寒成詠歌日暮棲林樸

一作曲

不憚行險道

一作路險

空悲年運促

郭紹蘭

郭紹蘭長安人巨商任宗妻也詩一首

寄夫

任宗賈湘中數年不歸紹蘭作詩繫於燕足時宗在荊州燕忽泊其肩見足繫書解

視之乃妻所寄也感泣而歸

我婿去重湖  
臨窗泣血書  
殷勤憑燕翼  
寄與薄情夫

王韞秀

王韞秀河西節度使忠嗣女宰相元載妻也詩三首

同夫遊秦

韞秀歸載歲久家貧見輕妻族因同夫入秦求舉

路掃飢寒跡  
天哀志氣人  
休零離別淚  
攜手入西秦

夫入相寄姨妹

載拜相韞秀銜宿恨寄姨妹

相國已隨麟閣貴  
家風第一右丞詩  
笄年解笈鳴機婦  
恥見蘇秦富貴時

喻夫阻客

載相肅代兩朝貴盛無比賓客候門或多問阻復為詩喻之

楚竹燕歌動畫梁春蘭

一作更闌

重換舞衣裳公孫開閣

一作

館

招嘉

一作佳

客知道浮榮

一作雲

不久長

張夫人

張夫人楚州山陽人戶部侍郎吉中孚妻也詩五首

古意

轆轤曉轉素絲綆桐聲夜落蒼苔埽涓涓吹溜若時雨  
濯濯佳蔬非用天丈夫不解此中意抱甕當時徒自賢

拜新月

拜新月拜月出

一作畫

堂前暗魄初

一作深

籠桂虛弓未引

弦拜新月拜月妝樓上鸞鏡始

一作未

安臺蛾眉已相向

拜新月

一本無此三字

拜月不勝情庭花

一作前

風露清月臨人

自老人望月長明

一作望月更長生

東家阿母亦拜月一拜一

悲聲斷絕昔年拜月逞容輝

一作儀

如今拜月雙淚垂回

看衆女拜新月却憶紅閨

一作閨中

年少時

柳絮

靄靄芳春朝雪絮起青條或值花同舞不因風自飄過  
尊浮綠醕拂幌綴紅綃那用持愁翫春懷不自聊

拾得韋

華一作

氏花鈿以詩寄贈

今朝妝閣前拾得舊花鈿粉污痕猶在塵侵色尚鮮曾  
經纖手裏拈向翠眉邊能助千金笈如何忍棄捐

誚喜鵲

疇昔鴛鴦侶朱門賀客多如今無此事好去莫相過

句

遊蜂乍起驚落墀黃鳥銜來却上枝

絮柳

臨風重回首

掩淚向庭花

寄遠

鏡中春色老枕前秋夜長

詠淚上見吟窗以

雜錄

王氏

王氏太原人永福潘令之妻詩一首

書石壁

王氏隨夫宰永福任滿祖餞留連累日  
王先解舟泊五里汰王灘下俟久不至

月夜登岸題詩石壁末署太原族望歲久詩  
漫滅獨太原二字入石邑人因以名其灘

何事潘郎戀別筵歡情未

一作不

斷妾心懸汰王灘下相

思處猿叫山一作空山月滿船

裴淑

裴淑字柔之元稹繼室詩一首

荅微之

稹自會稽到京未踰月出鎮武昌  
裴難之稹賦詩相慰裴亦以詩荅

侯門初擁節御苑柳絲新不是悲殊命唯愁別近親黃  
鶯遷古木朱一作珠履從清塵想到千山外滄江正暮春

趙一作劉氏

趙氏洹水人杜羔妻也詩四首

夫下第一

一作杜羔不第將至家寄

良人的的有奇才何事年年被放回如今妾面羞君面

君若到

一作來時近夜來

別本有代羔贈詩云澹澹春風花落時不堪愁望更相思無金

可買長門賦有恨空吟團扇詩

雜言寄杜羔

君從淮海遊再過蘭杜

一作杜蘭

秋歸來未

一作不

須臾又欲

向梁州梁州秦嶺西棧道與雲齊

一作雲

萬餘落矛

戟自高低已念寡儔侶復慮勞攀躋丈夫重志氣兒女

空悲啼臨邛滯遊地  
有顧濁水泥  
人生賦命有厚薄  
君但一作傲遊我寂寞

聞夫杜羔登第

一作聞杜羔登第又寄

長安此去無多地  
鬱鬱蔥蔥佳氣浮  
良人得意正年少  
今夜醉眠何處樓

雜言

上林園中青青桂  
折得一枝好  
夫壻杏花如雪柳垂絲  
春風蕩颺不同枝

張氏

張氏棗州人評事彭伉妻詩二首

寄夫

貞元中伉登第辟江西幕不歸張以詩寄之

久無音信到羅幃路遠迢迢遣問誰聞君折得東堂桂  
折罷那能不暫歸

驛使今朝過五湖殷勤為我報狂夫從來誇有龍泉劍

試割相思得斷無

彭伉答妻詩云莫訝相如獻賦遲錦書誰道淚霑衣不須化作山頭石待

我東堂  
折桂枝

薛韞

一作  
蘊

薛

一作  
蔣

韞字馥彦輔孫女也詩三首

贈鄭女郎

一作鄭  
氏妹

豔陽灼灼河洛神珠簾繡戶青樓春能彈箜篌弄纖指  
愁殺門前年少子笑開一面紅粉妝東園幾樹桃花死  
朝理曲暮理曲獨坐窗前一片玉行也嬌坐也嬌見之  
令人魂魄一作暗銷堂前錦褥紅地鑪綠沈香榼傾屠蘇  
解佩時時歇歌管芙蓉帳裏蘭麝滿晚起羅衣香不斷

滅燭一作滅每嫌秋夜短

古意

昨夜巫山中

一作雲

失却陽臺女朝來香閣裏

一作今朝香閣前

獨伴楚王語

贈故人

昔別容如玉今來鬢若絲  
淚痕應共見腸斷阿誰知

句

寂寞相思處雕梁落燕泥

春閨曲吟窗雜錄

見

楊德麟

楊德麟司農少卿敬之之小女也詩一首

題奉慈寺

寺本虢國夫人宅後為駙馬郭曖第升平公主薨追福置寺德麟年十三

以六韻題之今存警句二韻

日月金輪動梅檀碧樹秋塔分鴻鴈翅鐘挂鳳凰樓

崔氏

崔氏校書郎盧某妻詩一首

述懷

校書娶崔時年已暮崔微有愠色賦詩述懷

不怨盧郎年紀大不怨盧郎官職卑自恨妾身生較晚  
不及盧郎年少時

陳玉蘭

陳玉蘭吳人王駕妻也詩一首

寄夫

一作王駕詩  
題云古意

夫戍邊關妾在吳西風吹妾妾憂夫一行書信千行淚  
寒到君邊衣到無

薛媛

薛媛濠梁人南楚材妻也詩一首

寫真寄夫

南楚材旅遊陳受穎牧之眷欲以女妻之楚材許諾因託言有訪道行不

復返舊薛媛善畫妙屬文微知其意對鏡圖形為詩寄之楚材大慙遂歸偕老里人為語稱之

欲下丹青筆先拈寶鏡寒已經一作驚顏索寞漸覺鬢凋

殘淚眼描將一作來易愁腸寫出難恐君渾忘却時展畫

圖看

里人語云當時婦棄夫今日夫棄婦若不遲丹青空房應獨守

孫氏

孫氏樂昌

一作安

人進士孟昌期妻也善詩每代夫作一

日忽曰才思非婦人事遂焚其集詩三首

聞一作聽琴

玉指朱絃軋復清  
湘妃愁怨最難聽  
初疑颯颯涼風勁

一作動  
一作至

又似蕭蕭暮雨零  
近比流泉來碧嶂  
遠如玄鶴

下青冥  
夜深彈罷堪惆悵  
露溼叢蘭月滿庭

白蠟燭詩代夫贈人

景勝銀缸香比蘭

一作自占清  
香勝蕙蘭

一條白玉偏人寒  
他時

紫禁春風夜  
醉草天書仔細看

謝人送酒

一作代謝  
家郎君送酒

謝將清酒寄愁人  
澄澈甘香氣味真好是綠窗風

一作明

月夜一杯搖蕩

一作動

滿懷春

張立本女

草場官張立本女少未讀書忽自吟詩立本隨口錄之  
詩一首

詩

危冠廣袖楚宮妝  
獨步閒庭逐夜涼  
自把玉簪敲砌竹

清歌一曲月如霜

侯氏

侯氏邊將張揆

一作睽

妻也詩一首

繡龜形詩

揆為邊將防戎十餘年不歸侯為迴文詩繡作龜形詣闕上之武宗覽詩

敕揆還鄉并賜侯絹三百疋

睽離已是十秋

一作年

強對鏡那堪重理妝  
聞鴈幾迴修

尺素見霜先為製衣裳  
開箱疊練先垂淚  
拂杵調砧更斷腸  
繡作龜形獻天子  
願教征客早還鄉

慎氏

慎氏昆陵儒家女也適蘄春嚴灌夫無子被出慎以詩  
訣灌夫感而留之詩一首

感夫詩

一作與夫訣  
一作留別

當時心事已相關雨散雲飛一作收一餉間便是孤帆從  
此去不堪重上一作過望夫山

薛瑤

薛瑤東明國人左武衛將軍承冲之女嫁郭元振為妾

詩一首

謠

一作返俗謠薛氏年十五剪髮出家六年為謠云云遂返初服歸郭

化雲心兮思淑貞洞寂滅兮不見人  
瑶草芳兮思芬藍  
一作氤將奈何兮青春

王霞卿

王霞卿藍田人會稽宰韓嵩之妾嵩死霞卿流落會稽  
嘗題詩唐安寺進士鄭殷彝和詩求謁霞卿荅詩拒之  
詩二首

題唐安寺閣壁 并序

瑯琊王氏霞卿光啟三年陽春二月登於是閣臨  
軒軫恨覩物增悲雖看煥爛之花但比淒涼之色  
時有輕綃捧硯小玉看題

春來引步暫尋遊愁見風光倚 一作恨覩 寺樓正好開

懷對煙月 一作舉目盡 雙眉不覺自如鉤 鄭殷彞和詩云題詩仙子

此曾遊應是尋春別鳳樓賴得  
從來未相識免教錦帳對銀鉤

荅鄭殷彞

君是煙霄折桂身聖朝方切用儒珍正堪西上文場戰  
空向途中泥婦人

竇梁賓

竇梁賓夷門人盧東表侍兒也詩二首

喜盧郎及第

曉妝初罷眼初睏小玉驚人踏破帚手把紅箋書一紙  
上頭名字有郎君

雨中看牡丹

東風未放曉泥乾  
紅藥花開不奈寒  
待得天晴花已老  
不如攜手雨中看

任氏

任氏蜀尚書侯繼圖妻詩一首

書桐葉

繼圖讀書大慈寺忽桐葉飄墜上有詩句後數年卜婚任氏方知桐葉句乃任

氏在左綿書也

拭翠斂蛾

一作雙

看鬱

一作為

鬱心中事  
搦管

一作桐葉

下庭除

書成一

一作我

相思字此字不書石此字不書紙書在桐一作

秋向葉上願逐秋風起天下有心人盡解相思死天下負  
心人不識相思字有心與負心不知落何地

黃崇嘏

黃崇嘏臨邛人因事下獄貢詩蜀相周庠庠薦攝司戶  
參軍政事明敏庠愛其才欲妻以女嘏作詩辭婚庠得  
詩大驚問之乃黃使君女也詩二首

下獄貢詩

偶辭

離一作

幽隱在

住一作

臨邛行止堅貞比澗松何事政

清如水鏡絆他野鶴在深籠

辭蜀相妻女詩

一作辭婚

一辭拾翠碧江湄貧守蓬茅但賦詩自服藍衫居郡掾  
永拋鸞鏡畫蛾眉立身卓爾青松操挺志鏗然白壁姿  
幕府若容為坦腹願天速變作男兒

蔣氏

蔣氏吳越時湖州司法參軍陸濛妻也性耽酒善屬文

詩一首

荅諸姊妹戒飲

蔣以嗜酒成疾姊妹勸其節飲加餐應聲吟荅

平生偏好酒勞爾勸吾餐  
但得杯一作尊中滿時光度不

難

周仲美

周仲美成都人適李氏詩一首

書壁

仲美隨夫金陵幕夫因事棄官入華山仲美求歸未得會舅從泗調任長沙載之而

南因書所懷於壁

愛妾不愛子為問此何理  
棄官更棄妻人情寧可已永

訣泗之濱遺言空在耳三載無朝昏孤幃淚如洗婦人  
義從夫一節誓生死江鄉感殘春腸斷晚煙起西望太  
華峯不知幾千里

張文姬

張文姬鮑參軍妻也詩四首

溪口雲

溶溶一作溪口雲纔向溪中吐不復歸溪中還作溪中

頭一作雨

池上竹

此君臨此池枝低水相近碧色綠波中日日流不盡

沙上鷺

沙頭一水禽鼓翼揚清音只待高風便非無雲漢心

雙槿樹

綠影競扶疎紅姿相照灼不學桃李花亂向春風落

程長文

程長文鄱陽人詩三首

獄中書情上使君

長文為強暴所誣  
繫獄獻詩雪寃

妾家本住鄱陽曲一片貞一作堅心比孤竹當年二八盛

容儀

一作輝

紅牋草隸恰如飛盡日閒窗刺繡坐有時極

浦採蓮歸誰道居貧守都邑幽閨一作居寂寞無人識海

燕朝歸衾枕

一作枕席

寒山花夜落階墀強暴之男何所

為手持白刃向簾幃一命任從刀下死千金豈一作不受

暗中欺我心匪石情難轉志奪秋霜意不移血濺羅衣

終不恨瘡黏錦袖亦何辭縣僚曾未知情緒即便教人

繫囹圄朱脣滴瀝獨銜冤玉筋闌干歎非所十月寒更

堪思

一作更愁

人一聞擊柝一傷神高髻不梳雲已散蛾眉

罷

一作淡

掃月仍新三尺嚴章難

一作焉

可越百年心事向

誰說但看洗雪出園扉始信白圭無玷缺

### 銅雀臺怨

君王去後行人絕簫箏

一作箏

不響歌喉咽雄劍無威光

彩沈寶鏡零落金星滅玉階寂寞

一作寂

墜秋露月照當

時歌舞處當時歌舞人不迴化為今日西陵灰

春閨怨

綺陌香飄柳如線時光瞬息如一作驚流電良人何處事

功名十載相思不相見

草  
賦  
寶  
寶

御定全唐詩卷七百九十九